





文淵閣詩集

卷之四

詩集

滿須朱江漁先生者

文
嘻堂詩集

院藏版



今吳郡學博朱君端恭輯其先王父駕部公所
為文嘻堂詩若干卷將鏤版行再拜以序請余
受而卒業焉樂府學長吉間出文昌玉溪間古
近諸體出入唐人有盛有中晚不名一家要是
有自得在能不牽於習尚者予嘗謂詩文之運
有盛有衰如陰陽寒暑然其盛也必有人焉開
其盛衰也亦必有人焉開其衰倡者一二人羽
翼之者數人隨而趨之而滔滔焉汨汨焉而不
能自出者則亡慮千百人譬之羣盲就途一人

導之其後纍纍然摩肩接被旅行而從之曰左
曰右莫敢自必嗚呼可哀也已故夫隨一時之
風尚而波流漂轉於其中者亡論趨盛趨衰皆
謂之詩奴明自隆萬以後六七十年間天下談
藝者不歸歷下則歸竟陵竟陵鬼瑣陋劣固非
歷下比而當時之趨之幾幾中分壇坫駕部公
稱詩適當兩家爭燄互燿之日獨卓然以唐為
宗不染兩家習氣非特立之士能乎哉余又就
公之詩以考其生平起家進士一再試為令浮

沈郎署甲申之變方官京師能不污偽命毀服
南遷再更滄桑投老林泉其人亦自足傳乃歿
廛三十餘年世鮮能舉其姓氏而數卷之詩亦
廛廛出之煙煤蟲蝕之餘幸而得後人表章之
庶幾不朽則學博君可謂克世其家矣嗚呼詩
如公人品如公而不幸泯滅無傳與濕螢腐草
同歸漸盡者可勝道哉可勝道哉駕部公名芾
煌字玉璫明崇禎甲戌成進士家廬之無為州
故又自號濡須江漁云康熙戊寅陬月幾望商

丘宋犖序

予嘗閱虞山蒙叟列朝詩選其於有明一代自謂搜討靡遺矣計其姓氏共一千五百三十人及予纂修明史輯藝文志彙考前人書目無論經史子即以集名者有三千餘家則是蒙叟所選僅得其半豈所遺之半皆瑣瑣不足錄乎抑蒙叟尚未之見乎夫有明三百年來上自公卿大夫下至布衣之士苟能詠歌成一家之言皆思雕琢以傳後世然或埋於山谷或殘於水火或毀於刀兵盜賊或絕於子孫之不肖者雖有

筆精墨妙而人與骨朽版與書亡湮沒無聞不可勝數也古人傳書固有幸不幸幸而如藝文志所載三千餘家其人存矣然吾未識其爲何人也其書名矣然吾未見其爲何書也始爲子墨翰林終歸子虛烏有可不爲一喟乎予生也晚家無藏書故先輩著作鮮能有述焉今春有郡博朱子莊伯踵門來謁呈其乃祖玉璫先生文嘻堂集曰將有刻也願序一言予因與之坐而問焉問其出身則崇禎甲戌進士也問其歷

官則尚書兵部郎也問其籍貫則江南無爲州也問其春秋則七十有六卒於康熙壬寅也夫以先生名位如此其達也鄉里如此其近也存歿歲月如此其新也旣而卒業其詩則深思而遠志藻耀而高翔篇什又如此其富且奇也顧予之齒亦邁矣未嘗識先生之人讀先生之書甚矣予之尠見寡聞爲可媿也蓋先生之遊於荒者久矣身隱焉文固不願以詩傳然而光靈未散必有物焉挾之以出不傳於身則傳於子

孫先生有子孝廉早歿今孫莊伯以廣文片席奮然發揚其先業為康成之小同豈非幸與先生勝國遺老其詩得附列朝之末若虞山之選雖未足為定論然如文嘻一集予猶恨其未及見之也康熙乙亥三月上巳長洲尤侗謹序

文嘻堂詩集卷上目錄

濡須江漁朱芾煌玉璠著

樂府 計二十首

采蓮曲二首

猛虎行

夜夜曲

秦女卷衣

估客樂

枯魚過河泣

戰城南

長相思

烏棲曲二首

出自東門行

秋夜長

獨漉

行路難三首

促促復促促

謠

從軍行

五言古詩

計三十七首

登餘姚龍首山

寧波舟中

過萊州

祭宗人贈太僕萊州太守鶴來姪祠

濰水

憤詩

景州退回德州感王抱一二首

京營受事二首

務關

三屯營

初赴潯陽權舟次

田家三首

雜詩二首

雞鳴寺復至永慶禪院與客小飲

自龍潭歸曉起李邨山行過燕子磯先一

日晚歷劉家岡磯險難上棄舟宿邨中

示同行遊山詩

雜詩四首

望西山

偶書

懷古

泛荷池

莊居二首

陽山晚逢張爾四

題喬松柱石圖壽羅需孚兵憲

讀樂天詩

蜘蛛

歎之冬日攜客過晤溪莊夜席擬白二十

九韻

玉茗有亡書歎予亦繼之

七言古詩

計四十三首

蘇州過五人墓

壬申歲久不雨是日雪甚與子微姪鮑生
共飲命羣兒歌因限險韻擬蘇體

天台石梁書方廣菴僧卷頭

九日署中對客放歌

平原行德州守南城作

東方行贈宋張兩將軍因南皮投營款畱
感而成歌

再過王家莊示居人

督糧通州再晤宋張兩元戎酒間作

九江署樓聽孫知白彈琴因懷子微姪

催妝詞

移朱梅引

春風歌

江樓怨

與菽之子微家園看梅

辛巳元宵雪夜與客同坐

金陵芳草行

示牛首講僧鐵公

栖霞山綠雲僧房

靈谷歸示友人

詠報恩寺僧房秋海棠次東坡定惠院海

棠韻

再詠秋海棠

過高郵口占

哀王孫

丁香花

客來

看土魯番所獻馬

漫詠三首

車馬

有酒

春初李生過別墅夜談感念往事作此

理梅效蘇體

中秋月夜勸客飲酒

古意

籃輿行

飲吳莊

座客限韻擬白以解嘲

客有赴野飲苦無渡而騎牛以濟者亦佳

事也作此詠之

題瑜婆墓

王鑑玄好客無厭盤桓三旬不休作此謝之

鸚鵡悲宋皇

句容張菊人夏日過州投我長篇率爾賦

答

文喜堂詩集卷上目錄

文喜堂詩集卷中目錄

濡須江漁朱芾煌玉璠著

五言律詩

計七十八首

將適越過水雲菴別僧祇宗

舟泊黃金墩因憶白榆姪示餞別者

至越

姚江入郡城雜詩四首

署中感事示客

道經徐州野望示同路諸覲者二首

初過淄河

古意

自德州取道吳橋北行別內人畱德州時
奉檄催督草場

督糧通州正月十五夜月

通州寄同官

自河西務往三河

入薊州

適九江遇荻港風發不得入郡

江上送客還楚

舟次坐廢祠銷暑

暮過池口

無題

送子微敬之輩歸濡須

葺治先人墓廬候焚臯恩封典

晚步感舊

冬日邨居同鮑生夜坐

郊外春感

家園春望

對鶯

晚泊高郵

燕巢

巡視看內苑鸚鵡

月下閱家鄉塘報

裕溪夜發

惠山過鄒園

江南春遊

有憶

贈別

南遊與鄒彥先同寓邳州官湖坐月有感

望金陵諸山寺

江上旅思四首

烏江寓僧菴

邨居雜詩八首

偶作

宿水雲菴憶白榆姪暨祇宗兩亡友

午日飲仁度子微莊

飲散歸途

夏日

却寄景州王晉之兼東曹雲從

摘茉莉

正月十四日兵憲丁右海招飲巡署筵散

更寂不寐作詩紀事

客有以蜻蜓比蠶蝶者

七月夜熱

江邨立春日憶城中廢園梅花四首

金陵張容子與亡兒稽逸游今過濡須適

值亡兒埋骨之期賦此

晴望四首

秋月夜

和李義山學徐陵江南曲

舟行晚泊

十月杪南莊摘橘籬尚多菊開

偶成

錄小集完示客

六言律詩計四首

偶成

有贈

野興二首

贈子微六十

七言律詩計一百一首

偶過湯光祿伯衡城南舊園園後屬曹孝廉環應亦復作古感而賦此

渡錢塘

渡曹娥江

季本之外弟過姚江夜話

天台道中

天台歸至奉化道中

却答姪孫崐柱光祿敬之文學以書祝予

誕并寄看劍集新刻

西湖飲邵思遠孫碩膚兩孝廉舟中

北觀渡淮接祁世培御史鄭訥菴兵憲諸

公報書知地方懇留意切當事不憚必
欲改調感賦

北覲將至景州欲過王抱一曹雲從家
祭倪寬墓

李瑞徵縣尹邀飲別墅看集場

同連臨淄八虞葛莒州鼎如兩同年登青
州雲門山

量移戶曹奉部檄嚴催至南皮遇警復返
德州值雅州守同年項莊菴感事

三月九日同王副戎登景忠山望

邀汪友仙權部飲南湖煙水亭

與黃兵憲闇齋飲南湖舟中

春日江樓

擬古閨怨

擬古豔體

庾樓對客

與友生談江上

養疴遊金陵諸山寄懷子微菽之姪輩

牛首用前韻寄

過燕子磯

無題

途中見獵兔者

恭覩冬至南郊

裕陵陪祀

通州屢飲王鐵山憲署

泛飲潞河

九日賜宴

憶諸姪子微菽之輩

秋懷八首同龔給諫芝麓詠

春愁八首

送葉芝羽僉憲九江

先送芝羽隨閣部贊理其行未果存錄原

詩

幽居

飲湯生舟中

遊蘇州呈太守史念沖

南遷至濟寧同行同部鄒彥先以旅辟官
字韻命題

同彥先南還時賊帥董姓者尚往來淮徐
間比到邳晝伏宵行至泗而亂兵四掠
阻計家廟之湖中喜晤清河文學陳體
中喬梓相為擁護得免於兵二首
舟中憶友二首

歸來

元旦

與劉生吉人

懷葉無美自江州僉憲歸蕪湖

葛鼎如同年自巢寄書并附寄江北直指
使者何芝函書至書中傷悼亡兒意深
有吾黨削色之語葛自澧州歸後丁外
艱兵馬阻絕不通音問惟書到始知何
書

賦得春星帶草堂

張爾四莊居相近夏日見過小飲

除日看時憲曆
表未克過山居

初春

黃雒河送羅兵憲需孚

龔孝升太常至州過飲縱談用其書扇韻
春日園居用韻四首

邀王內實工部席上賦贈兼送其明年北

行

答上虞蔣文學贈詩依韻

新移溪莊有潯江客見訪投詩次答二首
擬樂天一日日一年年之詩

杜宇

移竹來種有人以詩乞分答之

飲鄰莊水亭

送客返九江時在上巳

見人別歌郎即用韻代之

懷龔孝升太常

山夜聞鴉用鍾伯敬隱秀軒題

送楊志孚令番禺時隨營往

答張登子并寄其兄石臣登子時偶下榻

廢園余以久不入城賦答

寄懷孫方伯振生

居巢陸紹文茂才以詩扇寄投兼惠所作

畫依韻答之

邨居偶成六首

壬辰植花果樹於庭用以自怡偶記東坡
白鶴峰有自笑先生今白髮道傍新種

數株柑之語作此一笑

浙余生投詩賦此答之

偶題

文喜堂詩集卷中目錄

文喜堂詩集卷下目錄

濡須江漁朱芾煌玉璫著

五言排律 計二首

客蘇州紀興排律效長慶體

養疴牛首

五言絕句 計十三首

餘姚入觀舟泊灞上

席上乞詩者書其帕

都中除夜

從軍行三首

題畫二首

八月初一日理裝

雜詠三首

漁舫

七言絕句

計八十八首

丁卯公車同張玉華過阜城魏璫死處

癸酉公車同李華仲過琉璃河

往萊州道中輿上口占

鮑老過樂安

濟南畱別樂邑諸遠送者時量移戶曹

量移戶曹南皮遇警回住德州復因檄催

北行代內言別二首

部題差扼勦督糧正月初七日即時出都

示從僕

登務關城

奉差九江舟過荻港阻風

積雨

尋陽江過琵琶亭

丁伯勉以鄖陽幕告病歸南昌因過九江
廬山示隨遊僧雲笈

竹枝詞四首

兩白兔

養疴金陵時大旱家信到

牛首午日

晚步牛首寺門

南岡獨步

龍潭過定水菴門有立石一高二丈

獨步文德橋

題畫

古意二首

北行江上阻風二首

過臨朐

楊柳枝詞二首

寒食

春暖

戲詠曉蝶

聽人說家園

示從行汪伶

秋分

江行

乙酉元旦

看閱

過藏佛塙示李生

歸漁二首

紫薇花

江州四絕

竹枝詞四首

偶作

山莊二首

偶代

示客

與客飲感舊

春日對客偶吟二首

雜吟

偶吟

禪菴贈歌姬限韻

哀季生二首

適廬江候孫仲吉明府途中二首

周公瑾墓

左仙人墓

灑歸王鑑老攜尊舷歌數十里方返言此別之

草閣與客坐雪

春雪與客戲談

池上立小閣

題梅

題竹

墨竹

墨菊

題漁者二首

楊柳枝詞

看畫雲

座客醉索口占贈歌姬限棠字

閱張文昌集中有天子親臨樓上送朝官
盡出道邊辭之句志感

舟行花家疇三首

詩餘 計四十首

點絳脣

浣溪沙二首

念奴嬌

憶王孫

滿江紅

錦堂春

無俗念

減字木蘭花

滿庭芳

摸魚兒

鷓鴣天

醉花陰

定風波二首

憶仙姿

西江月

滿庭芳

浪淘沙

南歌子

西江月

定風波

望江南

烏夜啼

清平樂

烏夜啼

江城子

謁金門

江城子

杏花天

蝶戀花

賀新郎

鷓鴣天

柳梢青

少年游

點絳脣

浣溪沙二首

鷓鴣天

調笑令

文喜堂詩集卷下目錄

文喜堂詩集卷上

濡須江漁朱芾煌玉璫著

樂府

采蓮曲 以下乙亥
丙子越吟

紫鴛蘭水浴朝眠冰肌日映荷花妍若邪谿隔
歌聲傳蓮心葯意香郎前藕絲牽斷郎來聯越
王臺上月高懸

其二

南風吹草欲曛天鴛鴦灘鷺交相眠荷花嬌語

怨蓮房蓮房子多人聲喧好乘月暗葉田田浣
紗石上生暝煙

猛虎行

南山白額伏王神赤符在胃百獸臣九閻霧豹
相呼語負嵎鄰縣飛食人乙威之骨不肯落河
泥爪跡驚花鍰我願當熊但肉瘦莫傷我民與
格鬪

夜夜曲

涼羅抱月驚素風絡緯宵啼銀牀中秦箏一曲

彈不終玉關昨日來飛鴻甲煎膏長博山立鴛
幃紅織雙飛翼銅龍帶雨吐桃燄夜夜照人繡
牀泣

秦女卷衣

丁丑
齊謳

複道離宮渭南北鼓鐘帷帳四充塞龍綃飛織
僊山雲夜夜馡香玉階側萑陽已去文信死玉
臂無緣幸毒國花漏蓼蓼屬車遠玉笥金籠結
愁惑沈水不熱六王灰華裾卷澹諸姬色惡鬼
欲避人不知真人獨夢海天黑梁山語泄宮禁

沈驪山還錮三泉深

估客樂

估客繫船潯江水自言估客樂無比春發川湖
夏吳楚江雲白白峰雲紫高檣巨艦載如山吳
蜀巴賓卷若紙瀟湘之柳白門花日日移帆就
香芷浦畔青娥橫玉簫樓上朱顏發皓齒狹邪
盡醉千金客過市皆稱富商子倡樓宿處曉煙
開欸乃聲中暮雨止手汲清波煮蘆茁河豚飽
後鮓魚美黃金滿篋紈滿箱貴賤徵收利倍蓰

半籌不任朝廷憂一心難雪國家恥陽翟大賈
何足誇五湖鷗夸差可擬峽水船從天上來鯉
魚風發江頭檣石尤三日坐不發江陵一日還
千里笑殺書生老牖下一生寂莫青燈裏

枯魚過河泣

庠辰春
聽濤樓

枯魚過河泣作書與羣魚昔予沼沚遊育育何
歡娛青楊覆苻藻紅蓼映淪漪仰沫承安流渚
宮相與與主家愛游泳不使冒暑施鯢鮪孕育
鯨咸覺鰭鯁宜一念妄圖大欲從江河窺北溟

化鯤難吞舟網漏誰洪波繳羅多尾鬣取離披
乃入漁人手鱗鱗終奚爲小鱗刀俎上銀鱠香
羹炊自不安潛淵遂貽此身危悔未老溪曲飾
智思驚愚寄語衆遊鱗慎莫慕瀾瀾

戰城南

郡人沈氏父子兄弟夜出城擊賊被殺城南其死處也用戰城南哀之庚辰永思盧

戰城南擊城東血膏原野草腥紅金色蝦蟇本
懵懵廟鬼號咷燈朦朧斫營計疎氣自雄男兒
殺賊寧無功矛頭鐵鏃畱腥風烏聲啞啞鳴虛
空父子兄弟尸橫叢爲我謂烏且莫急豪客醉

怒肉僵立酒氣衝雲天雨泣汝如爭食流血汁
懦夫可嗤豪可思黑夜縋城天明奚之交交飛
鳥止於城牆誰實爲斯百夫之防

長相思

羅韞步階墀明月含素霜清輝懷滿抱不及郎
容光昨接玉關書歸思擬深寄書道封侯樂無
一相思字孤鸞凌彩煙何如檐鵲雙郎思登麒
麟妾思騎鳳皇望歸日以永勞心日以耿芙蓉
歇芳塘顛顚照身影吾聞鵬翎箭其名曰忘歸

將無執君手能令遺鴛幃又聞寶刀頭其上繫
大環寧橫秋水佩不記春風還遠歸雖無期夢
來或難禁枕拂珊瑚枝夜夜侍君寢自君之出
矣所恨在河橋河橋楊柳盡難繫玉驄驕

烏棲曲

辛巳養
疴金陵

羅幙輕垂屏摺整金娥搖動月妃影君歌叛兒
聲意長妾吹子夜纖指香北斗闌干天津橫街
鼓齠齠雞初鳴

其二

玉甃雕闌垂素綆蘭心擘玉膩香頸雲母屏風
月照濕寶釵隋擊牀箏冷仰看三星移未多長
橋尚按紅牙歌

出自東門行

辛巳行
憩草

老刀血淬新水光殺皮風橐空駝裝伸手拔來
斫雲黃出門去去云何將三馬並逐我馬傷四
方萬騎骨如霜春雲曖曖怯春陽況復赫赫冰
絲揚摻執子祛余與語僧牛避世牆東處南山
種豆北山黍腰鎌有柄船有櫓我啜糟糠勝麩

舖負戴曳薪美繡黼祝牧何人琴太古不樂出門事官府

秋夜長

辛巳冬行憩草

秋夜長長於年夢轉交河與祁連長非一年胡
往還更憐絡緯啼聲寒鴛鴦瓦白霜飛天絳紗
七尺蜂蝶煙攪衾冰鐵魂驚眠玉繩低迴斗杓
遷雙星夜照文窗穿都梁百合與甲煎靈香裊
裊繞箏絃雲母屏風象光懸侍女巫雲酣駢肩
我欲再夢獨恍然關河在眼君在前一刻千回

相纏絲寧云枕夢方迴旋秋夜長長於年

獨漉

壬午非騷

獨漉獨漉水渾泥躓泥躓曳輪水渾迷目牽車
適梁伐木在岡螻蛄齊鳴嘈嘈孔彰驅馬仰天
日月晶熒抱柱產鐵里嗤予淫龍鬚其角馬聰
其耳其寤則神薄言觀者于思者誰長劔箕冠
朝四暮三足用蹒跚十年淬刀匣鳴悲號四海
尋仇繡蝕魚韜時日云邁膠膠啼雞鼠樂穴中
亦笑斑狸

行路難

癸未
非騷

君不見蔡澤欲奪應侯權入秦揚言睢印遷又
不見表絲欲間智囊賢屏人一語錯頭懸聰明
才辨相構鬪展轉倏忽如探丸究竟機權亦何
有名滅身死皆俄然縱使乾坤隨手轉隙駒草
露難遷延況乎雞肋嚼蠟爾蛾燈蛹繭相冤纏
丈夫自有沖霄志胡爲與俗同拘牽

其二

諸君飲酒且勿喧聽我醉後歌一言人生誰復

終百歲千年之計徒思存金印如斗懸肘後營
田請宅貽子孫宰相公侯不足羨夢愁折翼登
天門一朝時命不相洽安能飲酒善饗殮智計
顛倒無時已此心無乃太無倫夸父逐日勞奔
策誰探河源循崑崙急須隨分且飲酒科頭箕
踞終朝昏

其三

我今作箋寄上天天公請爲停羲鞭昨日風光
今日老天心何故急相煎春花豔豔宜長在秋

月輝輝宜長懸天工著意向花月胡不久待常
晶妍春亦不使暮月亦不虧圓人人年少樂花
月奚獨春風驕少年舊天公老已戰退新張天
公初當權上箋不答徒憂思若木終不遲虞淵
促促復促促丙戌汰水居
促促復促促蓬草吹天捫日足言從之子與朱
褫石不鑿鑿水不曲白日青天入狐窟湖山憎
騰野鬼哭

謠

以下已丑溪堂

日暮紅雲照血霏牆頭蝴蝶交交飛東家種棗
西家摘梁冀園臺作他宅

從軍行

問爾出門將何為手指軍旗如袍緋縛雞無力
敢縛虎向人瞋目聲雄威昨夜懸鶉鞞救履今
日錦襠靴著麂割銀鞵帶照晶瑩禿衿短後似
生兕自道淮陰小丈夫衛青驃騎原人奴安用
跼躄畏俯仰藿食破袴穿草屨誰見衝鋒裏戰
創陣上奔逃如奔狼滿船奪宿軍裝妓走馬歸

提金帛箱報仇挾忿悻當年箭箠花香看射天
離家妻子即隨人肥酒大肉誇駢駢須臾裹屍
滿路哭又有嚴文捕逃卒

五言古詩

登餘姚龍首山

以下乙亥
越中吟

曙色起晴霞春山立崔巍岡巒躍龍動海氣浮
天來地靈今所欣茲邦舊多才俯仰百年內前
徽潔心懷忠烈祠如生陽明洞還開渺然不能
忘高山縷徘徊草樹突兀間峰陰畱酒杯

寧波舟中

海雲常覆山林霧不離水宦遊如海舶時在雲
霧裏秦望西巍巍滄海東瀾瀾潮音落霜響布
帆挂霞綺郵亭驛樹稀古月隨舟樣小船夢清
適無復問起止如茲一夕路何媿鴟夸子

過萊州

以下丁
丑齊謳

東游問碣石兩日萊州城豈無飯牛者扣角歌
商聲鯉魚康浪隱黃犢坂上耕門少出迎客短
衣終平生所以齊桓公霸氣千秋明負薪有越

石執鞭誰晏嬰今茲夸濰路感慨生屏營

祭宗人贈太僕萊州太守鶴來姪祠名萬年殉

節

往來萊西門泫然傷吾宗仗義還聖朝殺身保
崇墉蘇武節能取睢陽城未攻至今萊子國得
完東齊封下馬泣君祠相杵罷鄰春貞珉表遺
烈畫壁備軍容邈哉十年前郎署相過從題文
吐白鳳合劔鳴蒼龍悠悠起予思朗月挂青松
朱暉今不見孤竹表高峰

濰水

驅車適萊邑東行渡濰河臨河涉沙磧春風起
流波東海尚可居孤山望嗟峨古人不得見海
氣為雲多

憤詩

聞朱勉齋兵憲口述作戊寅齊謳

曲木無直肌狂飈無靜叢世道有淪喪是非將
毋同上官大夫輩應忌屈平忠鉛刀利莫邪藁
本認芴翳何況與世乖有如張長公牛犢歸渤
海豪強橫扶風金錢既有翼竿犢胡不通浮雲

起翳塞列缺轟豐隆曠曠乃如斯殘暴流齊東
卓茂鄙不能日中多鄙豐斯民亦有口上天豈
夢夢時命適大謬所往皆途窮越齊同一轍疾
我恐不工本欲來和平乃以遭且量挂冠出門
去學道尋華崧弋人將何慕冥冥爲飛鴻可嗟
一邑民究當從凶終

景州退回德州感王抱一

時量移挈家赴戶部
值兵營逼趙泊口戊

寅圍
嘯

廣川郭門外兵馬何駢闐羽書急流星烽火高

甘泉榆塞失邊防滹沱血盈川東兵合南牧漢
將愁幽燕檄調南迴營遇客雄刀弦城頭盡戈
戟兵氣隨飛鳶羸馬慘不發室家安能前故人
懷義俠周旋乃毅然埽榻出相迎割室深畱連

其二

胡茲亂離世意氣終翩聯古人重結交急難當
周全所以虞卿輩千載稱豪賢平時冠蓋遊攀
援爲因緣鼎烹羅珍錯歌舞列金鈿此亦何足
云豪華徒粲粲所貴憂患時婉轉能纏綿陣雲

既周塞登陴寧遷延千金脫寶劍一室剖居塵
斯人誠足依能不懷拳拳賊計多狡窺疲城未
為堅且回平原居心為瀛南懸

京營受事

以下已卯
春營噫

宵雞既有戒晨烏亦有營大臣計軍國胡能無
怵怵貔貅三萬騎天子重親兵扼勦紆國憂前
籌宜分明驅人出門去匹馬勵前征微風明大
旗白日徒晶晶璽敕莫與請尺一呼何城轉戰
尚冥昧金粟誰逢迎淚下霑衣被非為悲平生

其二

平明辭部堂日出發行騶嚴綸下午夜袴褶披
征裘結束曾未理何以赴遐陬東市買鞍韉西
市購兜鍪裁縫製短後弩簡借皮鞞僮奴色黯
慘風沙揚颼颼同輩罔相顧傍觀為心憂丈夫
役王事何敢為身謀一歌從軍行浮雲空中愁

務關

朝離潞河城暮走西河務賊回薄香河距茲一
葦渡前營報已移後陣尚橫鶩日落野雲黃危

關幾家戍隔河見賊立彎弓恣獍怒勒馬望蒼
茫從僕各驚顧髑髏踐泥滓馬斫血漬汚眺彼
泥丸封何以供諸路賊情正叵測茲豈真堅固
赫赫觀軍容方略向何處轉戰誰得利扼截將
奚駐兩營分道出悵望暝煙樹

所督有大營勇衛
二營皆內使督兵

三屯營

出門望郊原邊草黯不綠兵氣慘日光塞雲壓
旗纛賊遁勢縱橫諸路師躑躅糧糈輓輸民
生困荼毒丈夫趨王事短後衣結束袖領振黃

沙弓刀手皴瘃單騎行塞口峰牆數崎曲平生
慷慨志茲亦愜所欲豈云愁馬革向人負局促
所嗟巾幗羞無憤朝廷辱日暮歸營屯長歎勞
遠矚

初赴潯陽權舟次

己卯秋九
月聽濤樓

江流去不已余思感何極華髮鏡中變黃塵衣
領匿叱馭復張帆憂思苦填臆少年氣浩莽愴
怳無規飭歌呼紅粉樓控抑黃金勒自誇文藻
富權要立登陟笑談取卿相經緯報家國一從

登第來衣絮走荆棘青衣束腰股手版縮鼻息
民情方熒熒催科復惻惻張弧而載鬼含沙與
射蜮五年越與齊往返慙官職所遇彼此同杌
我恐不力平生所讀書安用資前識心意既局
促耳目徒封域疇昔煙霞思惟勞夢魂憶今春
塞上走時事誠孔亟金粟何處呼玉門淚空拭
茲焉住潯陽江波急鳥翼王命豈易副人情懼
羅織往事羞羽鍛胡茲戀雞肋山氣何濛濛江
流嘗湜湜啼山有鷓鴣戲水有灘鷺山影照清

江何曾相迫逼

田家

以下庚辰病
歸永思廬

歸來北窗下偃息南山陞余志在田廬到此重
徘徊三徑久蕪沒經始誅蒿萊聊略理軒楹躬
先埽莓苔開門對青山移艇向江隈沿池種荷
芰繞屋植桃梅牧笛壠上吹樵歌坡下回長林
豐草間令我心神開轉思冠纓苦寧為丘壑材
人生貴適志富貴奚為哉

其二

田家所厚樂犁鋤可終守一丘長子孫清貧保
長久請觀甲第連繚垣互前後朱甍夾宮槐鼓
吹鳴清晝貂蟬插滿頭金印懸在肘火浣衣奴
身明璫耀婢首人趨歌舞筵客豔珠璣藪當其
赫奕時愚夫誇炙手世情易翻覆白衣變蒼狗
試問當年事於今亦何有歷數豪貴人屈指如
某某何如田家樂瓦盆常扣缶

其三

豈知田父樂復悲田父苦出郭見老農言與淚

俱吐义手一爲告情苦莫能數賊警羽書忙太
平時未覩鉏犁日驚擾何以獲禾黍水旱憂聖
明蝗螟欺田祖畝收無二三餉賦增十五昨日
郡隸來米豆添旁午探懷請郡檄隸勢虓如虎
前言奉上司後言供兵伍事平準正項那移允
相補言罷各瞠視誰敢信官府買解已三年力
難供師武舟車疲道路十鍾致一釜富者賣田
廬貧者鬻妻女銷算無毫釐胥吏充尊俎民命
如草菅民財輕糞土聽之未及終憂傷慟心腑

雜詩

寒微有季女國色同毛嫱造化鍾異姿矢志凌
秋霜十年不字人婉孌待君王誰言窺宋玉況
與嫁王昌無語慎蹇修恥以媒自將每聞東家
婦綽約明儀光揚被飄綺羅耀首羅珠襠冶容
而誨淫觀者似名倡車馬門前屯炫赫爭道傍
靜女見之羞閉閣求深藏

其二

夙昔抱微尚灑氣凌九州西挾泰岱巔東跨滄

溟流神書授金簡仙藥收桃丘乃倚天外劔下
掃鯨鯢頭勲名畱國家府第開王侯鐘鼓雜笙
簧夾道橫朱樓美人充下陳金貂列前頭往來
惟趙李揖讓皆應劉所願豈不悛適意難爲謀
冉冉半百間曾何分毫酬傍觀同志人強半北
邛丘鬱鬱傷中懷欲告誰其仇白日忽西匿江
水嘗東浮俯仰念吾思悵然徒紛憂

雞鳴寺復至永慶禪院與客小飲

以下辛巳養疴

金陵

夕院歇蟬噪涼陰輕暑熯午餐雲門餅暮滌三
雅酌雞鳴肆展眺永慶踐成約草樹相指數煙
霞與噴薄筍輿有愴怳石齒無驚愕孫子石上
絃李生醉後謔潺湲澗水流琮瑋墪鈴作久坐
夜已沈起視河欲落壘恥難市酤夜行警巡柝
成詩限叉手紀遊類行脚佳樂始於今知非憶
如昨一隙易駒馳六州難鑄錯何如理遊覽且
復攜絃索名山喜夢深好語嫌歲惡東坡有歲惡詩
人無好語之句
釣侶憶天隨縑流尋大覺彷彿從林泉歷亂尋

丘壑緬彼古人心於物各有託委化棄簪纓陶
公如可作

自龍潭歸曉起李邨山行過燕子磯先
一日晚歷劉家岡磯險難上棄舟宿
邨中

緣山行嘉蔭酷暑澹炎暉高木招遠風初禾懷
浚激款段行安疇轉似驂駢駢夏山靄欲流翠
色披如幃四匝垂碧綃幽香來馥馥無意得茲
遊逸興轉遄飛言念昨暮時挽舟上危磯濤響

間雷殷急湍分刀剗舟子螳背力胡能敵嚴威
鐵纜挽如弓短篙柔於葦陽侯怒難平魯陽戈
莫揮磕磕令神懼相顧各歔歔舍舟而尋山莽
榛高巍巍小徑轉折窮緩步得山扉投林似投
家晚至如早歸夢穩昨夜睡餐飽今朝薇因之
快山遊所思轉深微遲迂一夕路閱歷雲山暉
江山兩得之初願何曾違所以險難間無蹈不
測機始悟滄江逆乃助碧雲依假如懵然行恐
貽進退譏達人論靜躁智者貴知幾贖贖有至

理汲汲終爲非

示同行遊山詩

次第剔幽窅夙願於茲酬聲伎與喧雜佳遊所
不收登陟有至理膚躁寧與謀閱景如閱書至
理貴冥搜各出心想會光靈非目求靜味成獨
契品藻薄前休涉獵徒鹵莽指揮皆謬悠山雲
方見怪草草胡相投海岳本高深歲華亦遷流
博綜而約取挈領得全裘嘗謂謝靈運鑿山勞
鏤鍤鴻濛理自然元神應與畱又謂向子平婚

嫁太夸猶事畢在何時雲岳譏逗遛今茲揭此
意將以示同游

雜詩

以下壬午
癸未匪騷

主父西上書智辨良足多受金願鼎烹太橫人
譏訶雄主竅愛幸大臣皆唯阿官職歲屢遷諸
侯車紛過機辨取賂遺族滅金如何燕趙遊雖
窮豈足嗟蹉跎善哉古君子負薪而行歌

其二

至人之御物怪奸失其謀黃龍若蝮蜓石虎如

海鷗惟其誠所至精神籠九州戚戚者何為乃
自尋戈矛譎詐相往復怨毒生綢繆狸埋而狸
掘古人所深羞

其三

梧桐植崇岡鬱鬱挺幽姿天風忽摧折翠幹拉
枯枝朽敗生其中蠹蝕乃歸之外華而中虧偃
仰成槁榴柔蘭無久馨勁草當涼颼丈夫慎託
足進退兩無資矯矯申屠蟠今人寧無思

其四

英才負豪達志意凌高賢
彈文誠激昂疏奏多
翩聯朝奪將軍符暮落丞相權
召對延英殿儕
伍誰能先三十六日間津要
特超遷土牛騎何
遲風車乘何便
鞮然相誇笑豈不視天淵
吾聞古用世華髮而隨巔
從來張長公不與世因緣

望西山

春色無近遠馬首列高峰
雪洗青芙蓉西來幾
千重日下警巡處望對西山鐘
天雲落遠勢晴
氣開靈封澗流所涉聽御溝
春溶溶東風吹夢

飛常挂來青松

西山有
來青軒

十年鹵莽遊續往胡從容

偶書

黃左二鎮事以下
乙酉夏汰水居

兩虎相格鬪自效於卞莊
鷓蚌互相持漁人睨
其傍晉陽甲何興石頭兵何防
二豎奚足恤乃以貽民殃
舳艫列如麻戈矛明於霜
焚掠亦何慘南北民俱傷
紅波血汁盈流屍橫陂塘
軍聲起轟雷逃竄遺空隍
門庭不自禦同室故相戕
淮陽一葦渡北風塵高揚
國家啓封藩胡自取淪亾

懷古

古人突堙炭忽入林慮山今我胡不從山川道
路難兵戈阻且危何以深躋攀易服而毀形蹈
海與投蠻豈不事高尚白髮深蒼顏筋力不可
爲手足勞間關但詠烏生歌奚畱秦樹間白鹿
煮爲脯黃鵠終絛纆感之起三歎淚下流潏潏

泛荷池

東堤榭葉多南湖晚風息放舟入荷叢荷珠濺
衣濕田田菱葉滿離離蒲草織蒲根不可拔荷

花采何極綠水何駘蕩客意自蕭瑟秋月照荷
花不照客胃臆

莊居

用陶
韻

適適泛魚舠篷窗挂堤柳駐槩在波心浮天延
望久江湖孤兩眼消息沈我友側舟理衰髮日
氣曛醜酒沈吟平生意將無始終負

其二

刺促厭棠梨濃陰喜楊柳貪看晚波潑臥月船
頭久野農义手迎招邀如得友露種南山豆摘

佐傾邨酒夜夢短船涼溪雲不我負

陽山晚逢張爾四

絺衣挂松鬚明月滿高峰徘徊青櫟下我友田
間逢相逢各自急我車君乃笠寸心言莫盡露
下蘼蕪濕

題喬松柱石圖壽羅需孚兵憲

以下
丁亥

生綃染龍鱗屹若千年姿磐石固其根兔蘿垂
其絲雲氣滃滿堂清香流階墀靜穆起敬畏謾
謾吹寒颼有如君子心太古畱今茲宇蓋徧蒼

岑霏雨潤青芝鹿豕藉安眠小草附豐枝挂此
素壁間定有神僊期石髓吸常出脂苓餐常滋
持以獻壽言願傾洪厓卮

讀樂天詩

樂天三十餘作詩便嗟老年高五六旬益想除
煩惱遇酒便畱連逢花即傾倒歌舞醉紅妝遊
遨藉芳草詩情恣戲謔禪誦窮搜討拍唱楊柳
枝共訂元和稿無兒忘後慮致身得先早雜著
四雖吟真能齊壽夭劉五嗟不遇元九歎難保

至人有達觀談笑都風好如何豁達人反自牽
愁懊艱危既閱歷塗地皆肝腦比同結繭蠶還
並枯魚薨幸無遠古人垂老展懷抱多誦樂天
詩願將百憂埽

蜘蛛

擬元白
詠物

蜘蛛本微質託身寄檐隅豈有絲綸腹可供織
絰俱豈有飛揚翼蹒跚一蠢軀乃以負岨勢張
羅而運樞爾乃坐中堂徧構於四區或借遊絲
牽或假風霧驅羅織諸羣生有如償夙逋足跡

之所到罔不吞膏腴彼物有何辜網來充中廚
蜻蜓文弱羽蠶蝶花草娛微細如蠖蟄亦作不
時需此無土蠱蠹又與蚤蚋殊胡爲入穀中與
爾供盤盂長手抱嚼齧衆絲皆附維飽食過饕
餐毒險勝虎驅如茲貪婪物尚以巧名誣造化
真不仁漏茲刀斧誅何時霜威粟銷滅歸須臾
敬之冬日攜客過晤溪莊夜席擬白二

十九韻

衛足趁晴遊棉裘拖野陌長筇負盎背晚日明

霜額秘笈擔兩箱如同行遠客捆負四十里辛
勞三兩力衫服已褊袒叉手似交戟入門無他
言開箱但据撫枕函比珠船收藏同寶冊索隱
得異香矜奇皆創獲玄奇不易盡凌晨再采摘
促席玩蒼球曝檐看拱壁敲中啞然笑亂髮頽
然積拂紙擘絲牋執杯呼脯炙婢探哂呶呶童
窺笑嘖嘖乃有彼從遊亦自多奇闢有時越曲
唱又或倭語譯遊蹤曾遠賈侏離習番舶從我
日者生原與相莫逆連臂共哄堂一斗復一石

精神老愈壯胃懷寬愈懌使我生健美忘疲與
晨夕人生無百年況各桑榆迫爾奇有狂顛余
老有書癖事業在糟丘畱連惟戲劇野望城郭
遙時多風雨隔偶然相晤語流光肯虛擲相見
不盡歡相思總無益霜暄初九天宵長三鼓席
日魄檐牙温爐圍簾蒜赤小言作呢呢大笑轟
雷霹莫負此番來休速歸城屐

玉茗有亡書歎予亦繼之

已憾藏書少藏者復不固寶物忌慢藏積書亦

何妒乃遭燔奪苦屈指三四數家園幼所積丹
鉛手牋註可憐年少時神魂此深注宦遊雖幾
年幾冊勞購募伴行少琴鶴笥珍無寶璐只茲
所枕籍相與同朝暮如何更幾番劫火與零污
賊燄焚若秦南北走若鶩或蕩為煙雲或散為
朝露至今思舊書似續夢無路百物有成毀人
生有散聚此身且空幻何復感章句抱膝自長
吟轉語得開悟假令前書存今茲豈畱駐又如
書盡存余亦何述作

七言古詩

蘇州過五人墓

辛未回
燈集

山秀麗草蒙茸英風瑟瑟生丘壠大字豐碑額
高聳遊人過客皆驚悚匹夫賤士履草踊身未
登朝齷天寵金吾緹騎聲洶涌繫逮忠良人震
恐道路以目相遮擁萬夫激怒同慙慙駭殺開
府成臃腫頭如鼈縮身繭蛹誰其敢承先作俑
精神奮往非血勇況是五姓不一種怒髮裂皆
能接踵忠良吐氣天日捧椎秦博浪聲氣竦雌

孽膽落神菽壅當時舉朝多扇謗口耳聳啞脛
骨種魏祠丹碧榱桷拱處處冕旒尸祝奉後來
椎碎同毛毘墓雖封木未拱一時俠烈高名重
五人墓專諸巷要離冢

壬申歲久不雨是日雪甚與子微姪鮑
生共飲命羣兒歌因限險韻擬蘇體
玉龍鱗甲紛千隊水泉脈動衆相匯邨市歌呼
已霑潤海山凍合無外內嚴更鼓角起樓東低
唱淺斟沸堂背有茲一夜冰鐵戰無憂數時火

雲焙何言指冷箏柱寒玉笛梅花意須耐

天台石梁書方廣菴僧卷頭

乙亥
越吟

徑仄厓崎難轉步上瞻下視魂驚怖千山紫翠
萬山雲十步攀躋九步顧聞道仙源有路通流
水胡麻泛溪渡此地雙龍相鬪伏豈無怪風與
腥露五百阿羅隱何處豈真指掌恒沙數又說
神仙不可接又言優曇時一遇只有飛虹濺玉
珠萬古幽存無起仆世間多少齊諧志今人自
被仙經誤古昔興起有深意後來覲面不相晤

難拋手版進賢冠怪想霓旌披氅素平地風雷
白晝霧不悟幽深從寐寤長湍浩浩清心耳便
同仙佛堪常住人天丹鼎與津梁只離羅網莫
膠固入山深處自然好引入勝地爲超度蠱疊
芙蓉徹底潭忘却憂危與朝暮我來到此歎息
深特想尋源出頭路凭闌立久雨如傾呼起玉
霓相共訴

九日署中對客放歌

丁丑
齊謳

羊羔酒美羊肩肥綺筵玉斝都梁馥齊人也聽

吳儂曲黃花雜繞紅英圍門外秋風吹廣陌錦
屏暖豔垂金幃花開酒香如不醉齊山秋樹空
斜暉平津當日徙內史千古賢愚誰是非彭澤
五斗勞磬折達人視之原卑微琅邪安有營丘
田淄南浹浥牛山衣廣饒古封樂安國樂者不
樂誰嗟歎

平原行德州守南城作

以下戊寅
冬圍嘯

平原古城霜威寒平原戍卒刁斗殘天雄軍戰
漢兵怯泊灘冰渡東人歡德河夜照燈火黑東

兵數幟屯河側礮聲震響客心驚殺氣三時陣
雲逼深閨啼血民號呼到城鼓緩援兵稀客官
亦撥城南戍月曙刀鳴城上路昨日前營裨將
死有婦哀歌丁督護

時守城客官有垣中葛綱赴部者譚貞默項聲國及余四人

東方行贈宋張兩將軍因南皮投營款

畱感而成歌

宋紀張一龍勇衛營元戎也

東方日出野雲黃營門鼓角麾纛揚騎馬出營
兩驃騎馬頭拱揖遙相望問云昨夜有上客報
稱日下農曹郎殷然視笑如舊知執手慰勞心

傍徨軍容監使無足言介胄脫略其相忘浮雲
四塞不可去北來火照南皮岡飲我蒲萄金屈
卮坐君虎帳熊茵房飢馬在廐芻剉糧僮僕飽
飲須眉颺烹羊熟酒再傾倒示我箭痕刀槩創
將軍好客亦本色多君急難能相將馬上紅旗
立待發陣前鐵甲明如霜須臾斫營白刃接意
氣慷慨猶安詳杜陵曾過嚴劔南韓愈亦慕于
襄陽悲歌拔劔向人說驃姚者宋車騎張
再過王家莊示居人

冷日荒原騎瘠馬南皮城開掩楸櫛邨中數老
荷及迎兵過重逢淚盈把前時敵度交河騎倉
卒從君借茅厦河西河東塵氛高前邨後邨火
光赭殺氣懵騰雲日昏鏞弦鳴發風雨打劉疇
壁塢笳無聲賈詡詒羌智難假日落歸營敵返
渡千家夜竄啼啞啞風聲慘悽魂驚飛當時誰
識前途者京營遙識縣城外夜半霜寒明月野
馬尾蝟縮指欲隨營門呼開血堪灑平原再入
敵南馳舊途叱馭忘單寡此來墟落總煙燼白

骨堆邊橫碎瓦數椽喜得存歸然執酒遮畱馬
頭下酒方傾淚潺湲安得壯士掩天關不使敵
兵此路還

督糧通州再過宋張兩元戎酒間作

隨征督催營糧即前此南皮所投京
營也騎出通州城入營視事宋張兩
元戎在焉悲喜交集慨單騎之脫虎
口感合劔之遇龍驤酒酣耳熱喜而
放歌

營門沙柳春風號營中歡氣春雲高勒馬相視
如夢寐一軍驚躍同投醪人生會合是何意使
我大叫相號咷前倚征南離晉陽今從定遠過
臨洮依人得借將軍樹庚癸應求續命膏羣言
前日郎官來轉輸當似關中漕始思狼狽投營
日乃以昔遇成今遭悲歡之念感何極潞河流
水澌滔滔椎牛大饗相笑樂臨風釃酒揚旌旄
下馬欲草盾上檄張燈且看昆吾刀虎頭猿臂
不封侯徒誇切玉成吹毛漢使須飲月氏頭嫖

姚肯令樓蘭逃花鑿蹋踣非所望男兒巾幗羞
吾曹歡深悲起氣填臆明朝金粟還紛騷

九江署樓聽孫知白彈琴因懷子微姪

以下已卯
秋潯江作

江上山青青不絕江水舞花流不竭江樓傳響
夜琮琤使我精神忽超越有如炎暉方炙手脚
蹋層冰蔭深樾又如羽化凌仙雲肩拍洪崖拱
天闕大音肅肅意澄泓道貌深深氣幽徹聽茲
高調韻泠泠安能容我嗟咄咄海上曾移方子

情山中媿乏長源骨多君靜者肯遊從紅燭青
桐時感發安得吾家小阮同抱琴日坐江頭待
江月

催妝詞

為龔孝
升納姬

紫鴛圍煖臂未伸花龍蜿蜒么鳳嗔寶枕流雲
漬華茵楚江昨夜臨巫神香霧冥冥骨河津寶
釵玉燕亞烏銀晨光熹微照珠蟻眠紅醉綠春
宵泯後房掌事愁眉顰餐香臥玉能膩人六更
傳呼玉女語百花皆醒袖未舉目光熊熊照所

與

移朱梅引

紅梅一株豔開署中
牆下改植庭前作此

霞綃深鎖瓊姬眠守宮臂血親嬋娟鴉影日薄
昭陽前胭脂淚水凝珠盤古兔對泣滕六憐錄
事扶來丹楹邊絳雲忍閉羅浮仙魂返天風射
日紫錦袍方豔平陽始玉顏健仔見心死春殿
承恩讓妹子

春風歌

以下庚辰得
江聽濤樓

春風駘蕩春芳菲朝花灼灼暮花飛遊蠶才逐

鮮英起流鶯已帶殘脂歸對茲感念長太息紅
香不肯畱翻翻盛年倏忽去已遠義鞭何故無
停揮落花垂垂下芳草安知不有聲吁歎舊年
看花今年老花方歎我朱顏非急提玉壺貯美
酒與花共醉畱春暉

江樓怨

詠所見

蘼蕪浸曉蘭露浥碧波生煙半窗濕寶枕愁春
春夢驚紛紅駭翠窺人立征帆疊疊晚潮通估
客蘆管吹雲紅金釵已盡樓已空生憎十日魚

苗風

與叡之子微家園看梅

以下辛巳
永思廬

春冥林薄凍雲喻縞練胭脂共凌立魂返香生
繡幕寒樓明玉豔光爭入含情如待吹月明煙
霏夢醒互屏營主人醉索巡檐笑欲行不行誰

為縈

時將
北赴

辛巳元宵雪夜與客同坐

憶昔春燈燈月霽六街香煖歌聲細幾年寇警
復年荒朱門蓬戶同深閉星橋燄斂春失色瓊

屑花飛勢爭麗廣厦萬間構安有崐崙一夜戰
誰計飢禽啄冰凍且死何況窮檐坐失墜昨朝
兒子江南來較問米值感欲涕今夜與君相對
飲憂時且喜連雙被長愁病肺少沆瀣欲逐初
衣有薜荔空堂二更坐已久開戶瑤花正生砌
人生得樂且為樂明日看梅如往歲

金陵芳草行

短短茸茸又馥馥搖風蕩日開遊目石城氣色
自鮮妍六代繡華舊芬郁南朝僧寺四百八六

代離宮三十六到處啼鶯映落紅幾行走馬披
新綠映紅披綠帶香泥遊子他鄉歸意迷十里
垂楊畱照晚千家山郭繞煙低繡轂香車隨地
醉斜陽細雨益愁淒為愁為樂都堪羨眼底天
涯見柔茵王孫去後恨萋萋遊女鬪時還戀戀
連天雨過青不了野水舟橫看不變城邊惜別
掩羅巾渡口憐香引歌扇惜別憐香碾莫侵每
於對此覺情深春風著處皆相似南國芳華別
樣心既與前朝重金粉多為詞客助歌吟風流

豪貴終流水只有青青共古今

示牛首講僧鐵公

深山老僧談楞嚴有客不聽巡空擔且上高頂
同踞石牛頭草香風廉纖坐久不知歸路杳斜
陽下松珀光老韓三墓冷馬嘶雲融公壇暝煙
遮島

栖霞山綠雲僧房

山幽草映寺門綠岡迴樹合峰巒束尋厓剔洞
看流瓊拂黛霏藍盡瑠玉天風蕭蕭吹暮寒長

松勁柏排雲端蕪青江白望絕頂一聲清磬收
闌干須臾煙起日欲沒萬山濤響龍突兀拄杖
山谿聽雨歇坐待綠雲雲上月

靈谷歸示友人

前日牛首與栖霞纈雲拾月興未已昨日籃輿
走靈谷又聽松濤行五里靈谷有五里松蔣山鬱葱似連
袂一路芳煙如結綺嵐深翠滴各華妍松影梅
根互枝抵香雪凝寒待冬發虬龍拏雲嘗伏起
我來六月毛髮寒如覩黃荃畫壁水山中宰相

道氣尊種秫仙人絲苓美石橋南畔意尚疎魯
山封號猶可鄙吾將日日向茲遊不向時人說
所以

詠報恩寺僧房秋海棠次東坡定惠院

海棠韻

秋海棠在舊譜及諸詩並無及者惟
宋錢塘陳思譜中有程金紫今朝氣
蕭瑟不意海棠再開及張子儀折送
秋日海棠各二詩皆是至秋復花者

非言秋海棠一種也海棠木本茲花
草本不知始於何時意亦或有前代
名公巨手高許標韻如賈元靖蘇黃
州鄭都官薛許昌諸輩吟和海棠得
錫今名而此花始盛是未可考但花
質楚楚可憐秋時院落正自有致金
陵諸寺僧更喜蒔培余辛巳寓報恩
寺閣修房見伊徒印用蓄之因作是
詩

茲花草質異於木春花種繇秋則獨金陵梵刹
多好事護日培根習成俗不將春睡戀深宮欲
寄愁思託林屋迎寒拂翠感修眉帶雨啼紅減
香肉玉露金飈景色清曉雲華月丰神足顧影
嬛娟人共憐獨立幽閒女稱淑甘同紈扇冷姬
愁厭浴華清盡君腹豈是丹楓下落霜恰如翠
袖親修竹我過靜宇及陰廊嗟歎賞心與悅目
誰言白帝遜青皇秋豔南方競西蜀

宋人詩多稱西蜀海棠

此

地諸天散花雨又遇羣仙馭飛鵠

海棠昔為花中神仙

春花秋

花各有姿古寧少此花遊曲酒勸朱脣花對語
籠煙浥露無輕觸

再詠秋海棠

嫣紅嫋翠傾城顧夢冷西堂枕香霧宿妝欲蹋
溫泉雲黛螺半濕金莖露絡緯銀牀啼始頻珊
瑚的爍翠羽振青腰未起老蟾舞芙蓉斂衽香
蘭驚玉宇瓊珠明粒粒牡丹顛頰春後泣飄朱
漬紫誇春風秋陽也映階英紅

過高郵口占

以下辛巳冬行憩草

一湖兩湖秋水雲官船客船暮堤柳網魚喚買
叫船頭交纏羣鬧爭開口米貴自高皮酒價漕
催敢緩糧艘走行人共弔露筋祠我更詩尋淮
海叟

秦太虛
此地人

哀王孫

用杜少
陵題

充東城頭人嘯呼靈光殿裏血模糊護軍失辭
羽書緩嫖姚誰飛金僕姑靺鞨笑走鄒滕郊牛
鹿舞入奎婁都王孫可憐命斯須何況國妃與
宮奴珍藏已貯東橐駝金繒又壓南駒駝寶冊

碎穿肅慎矢腰間寧問青珊瑚德邸前逐羶裘
塵魯藩復殉香羅襦春風血吹泰山腥夜月魂
啼鍾陵孤高皇子孫皆隆準忍看龍種死道途
至尊涕泗明光前諸帥帳下歌烏烏

丁香花

廣陽多種丁香花去年今年看鄰家年年花同
時事異對酒徒向東風嗟中原南北鯨盛地征
塵賊燄相交加前日人家說鄉土河邊白骨如
撐麻城上花殘不復埽城門日開啼爭鴉長安

賞花有人過幾處無人空復花

客來

敝領塵沙藏幾斛堆集文書直翳目走馬歸來
日半斜亂擲衣冠且休沐隔花琵琶響未多易
州半殘顏初酡蹋蹋馬蹄誰又過璫璫柝響來
傳呵

看土魯番所獻馬

崇禎十七年土魯番貢馬一匹其
馬稱千里走者留置四驛館中以

候上閱都人士爭往觀之余

亦同往時甲申二月二十日

蹋石汗赭無常逢番兒遠歷流沙同豈真神水

暴利翁往觀驚聚都人叢圍人牽顧大庭東兩
番左右力爭籠裏頭髑鼻深青瞳錦韉鞞出環
蓼瓏英姿颯爽氣象雄烏毛黑光如油髮徘徊
蹙蹋斜陽中短小何必誇駉駉未收天駟騁追
風垂頭如願試飛翀聖主憂勞未央宮不貴大
宛貳師通渥窪神產非所崇登牀拜舞啗唐宗
黃金圖駿思臣工肯歌天馬賦車攻霜蹄駒齒
來西戎天閑首偕外廐充騎嘶顧影聲隆隆伯
樂未試技未窮但驚燕市起塵紅吾聞唐家獅

子驄九花亂被體與駿紫玉鞭轡寶青葱范陽
節度獻臣衷爲念收復東京功一朝慨賜汾陽
公嗚呼今日誰能張天弓淨洗兵馬慰宸楓吾
願執鞭此馬酬精忠

漫詠

爲黃鎮住州時作
以下乙酉春眾牀

水邨山郭酒旗收戶戶煙寒沈火篝君不見將
軍較獵城西頭餓鷓箭響攢雲流番馬鞞如沙
漠野營兵飲似塞門秋堂堂師律不復見雞犬
菜茹增煩憂窮檐陋巷心膽摧局扉疾走誰遲

畱日暮雲昏欲歸屋豹旂貂襖還悠悠倚鞍欲
歸復不歸臂鷓載兔何優游一夫急趨喘如牛
疊聲來問兵歸否兵未歸啼啾啾

其二

日暮江邨聞野哭自言孤嫠逢兵逐前聞兵到
不肯信一夕豺狼踞滿屋兜鍪弧矢插在戶繫
馬攜妻聚成族臨階下馬登我牀顛倒衣裳搜
敝簾掀顛波皆誰敢問翼虎飛來食人肉朱門
大宅盡矛戟短巷繩樞惟敲棘主叱爲奴兵作

家不問米鹽與資蓄既傾我巢攫我物一生辛
苦空碌碌移家避地徙荒邨朝朝兵卒過紛紜
衝煙蹋雪仍嘶馬打雞逐犬來敲門一子伶仃
比臃腫執之負擔馱雞豚日落黃昏不復歸倚
閭誰與為饗殮城中饒歌宴將士千邨哭者徒
聲吞

其三

吾聞段太尉自請入邠州邠人暴惡生大亂入
貨竄名為軍儔乞市椎埋不敢問邠寧節度懷

空憂汾陽王子尚書尊誰能與語為搜求太尉
入殺十七軍市門槩上植軍頭一軍盡甲無敢
動老甍牽馬寢其謀解甲散伍同醉臥并保功
名歸細侯吁嗟乎今日安得如秀實邠人已亂
還優游國家邊事將奚尤

車馬

諸鎮

車馬紛馳長信道整頓軍容誇作好椎牛饗士
動歌鐘玉帶緋魚拖襁褓國讎未雪且為家營
丘壑田欲請老白波大卷橫醉臥花鑿跳舞擲

顛倒三秦父老憤陵墓四國諸侯懸羽葆吁嗟
乎羽林已奪張彝第橫戈將刈興慶草函使傾
貲誠有云劉惔之言未聞早

有酒

有酒當飲飲且乾有歌欲放須盡歡誰家男子
乘牛犢敢道亭侯食馬肝政事堂前客談笑石
頭城下生波瀾歌酣酒美自不樂空教星月垂
闌干繫襦明珠胡足貴去拂珊瑚上釣竿

春初李生過別墅夜談感念往事作此

以下乙酉
秋沐水居

酒凍春雲燈照雨地老天荒聽君語諸陵鬼哭
望冬青銅人淚濕鄴城土一觴一歎君言長懸
河倒峽非荒唐燕市雲煙銷殺氣薊門風物歸
鴻荒燕市薊門君不住憐君往返淮南路葛巾
布褶老儒生匹馬攜家充野戍如君才略豈可
輕儒林游俠見平生今夜一燈茅屋酒前年相
失國門兵當時君偶過淮徐國破城開我檻車
誰為杜濬募樵牧誰是安平出范睢急難思君

滿襟淚，厮養安知五侯貴。南人北人，君莫言。但向中山圖一醉。

理梅效蘇體

幾樹高寒，上空昊巡檐索笑，翻愁惱。格高意遠，誠足羨境，隔情疎亦愁倒。親手疎滌，與刪餘欲成近玩，共幽討。折篠垂枝，費約束，提挈經營愛。如寶要使橫斜，與低映，帶月移參相媚。好石上交纍白玉珠，竹閣還垂紅瑪瑙。比得佳人同語，笑不令名流到。枯槁玉奴定不負，東昏袁安免。

令眠空島，日日摩挲，憑偃仰。莫憂世事，徒嗟老。

中秋月夜勸客飲酒

以下丙戌
汰水居

秋空皎皎，銀潢晴寒，玉團團貼空明。吹簫擊鼓，客不飲，吳姬彩袖徒縱橫。拍手狂歌，君莫歇。素光已鑿星星，髮催人易老，是雙丸肯與消愁獨。冰月前年賊刈，燕宮草去年兵走，陰陵道。值今安豐，如不醉，月亦羞人空皎好。幾處芙蓉，秋可憐。幾殘葡萄香，可傳置酒徵歌強為樂。胡為舉觴空問天，問天天醉情轉傷。楚山吳水勞相望。

湛盧一化同巫女鸚鵡千鍾有泰孃泰孃容與
巫山駕與爾倒把瓊漿瀉明月莫沈歌莫罷共
醉心愁是今夜

古意

人道石城有莫愁珠簾深處自多憂一從十五
盧家嫁十六生兒有阿侯今日菖蒲開見花明
朝木槿落先秋丈夫四方不可保妾淚紅冰滴
珠葆

籃輿行

州事之
變戊子

籃輿半刻價錢千出城婦女紛如煙街頭傳說
語駢闐南山北山斫竹竿項燕不死篝火神家
家驚走如山麝大夫魂戰官軍啞澨湖令縛行
營馬

飲吳莊

以下戊
子溪堂

小樓飛檻依空光鷓絃細撥華燈張主人興發
客叫狂觴酣出座搖沙棠玉壺火炷波燄揚軍
裝小史手拳香我醉矍瑜滿船月依稀尚夢太
平節

座客限韻擬白以解嘲

誰道溪魚顛顛久請醉溪鄰一壺酒矮檐破屋
豈言貧白石清泉原可守鐵桿閒調小柱箏蓮
絲手剥如船藕曳雲牽雪髮三千紅袖青蕞原
不醜屏開小玉見山頭船樣玄真收浦口半日
看書半日睡玉皇可陪句可友詩瓢高挂壁上
塵釣竿低拂門前柳憐他天上葬神仙誰問石
碑僵隴首人呼豕豎臥牛衣我笑雞鳴與盜狗
時豪富貴何足稱一本拔來如拔韭

客有赴野飲苦無渡而騎牛以濟者亦

佳事也作此詠之

偶然學得上牛背淺水平沙恣進退斜陽芳草
一川明穩步安流三四輩危橋過處任傾欹野
渡橫時免爭啄前溪欲往騎即往細雨斜風仍
不廢世間只有牧牛好公無渡河可無悔覆傾
多因濟川材優游已與神僊會青松白石置其
間鐵笛短蓑差可愛風流添入騎牛圖劉凝之
輩堪同繪

題瑜婆墓

以下辛卯
春過廬江

春草蒙茸野水濱土人傳說瑜婆墳小喬妖豔
剛二八呼之以婆其忍聞江東猊兒聯大姊風
流顧曲誇夫君妻之爲婆語故諺唐突西子嗟
猶薰古礎歸然墳纍纍三千年事將何分未央
宮磚銅雀瓦至今墨蹟徒殷勤此墳棄置官道
外野塘吞齧農耕耘空拾野花思寶靨但看蔓
草纏羅裙煙波靈澤皆流水松柏西陵豈暮雲
曹劉酒滴三春夢美人黃土將奚云

王鑑玄好客無厭盤桓三旬不休作此
謝之

主人好客誠無已老饕客子何浸淫飛傳觴羽
湔裙日花闌看到青春深舞衫歌扇日未歇折
東招賓仍難禁古人河朔止十日豈能沈酣如
吾今狂飲大笑雖好共湖山將無譏侵尋我謝
主人其許我小緘青鳳朝又臨新詩更出昭華
瑄美人再整雙鸞簪

鸚鵡悲宋皇

壬辰

隴山羽毛生質輕鼎升也知攀顙鳴感君恩多
懷君深低徊雲樹能含情當日珠櫳蔽南國夢
繞舊山歸不得綠衣水碧奉恩輝紅粒珊瑚怨
纏繆玉絛金鎖一掣放宮妃纖手蒙君貺羈臣
迤賤返狐丘滯客幽囚還野壙上皇恩大感在
心調語呼名玉殿森消息南雲遮遠岫吾皇萬
歲語喑喑老璫走馬天西行故人識面歡逢迎
深宮宴安期永久玉棺聽說腸迴縈可憐宮鳥
亦有知黃雀銜環皆若斯君恩寬大世多少何

故懷恩不如鳥

句容張菊人夏日過州投我長篇率爾

賦答 癸巳

翩然有客來江東多才博物張司空新闢文章
雄五岳風華詞賦流千虹文章詞賦追古昔藝
苑人人誇拱壁直追作者其爲誰正始之音君
手擘袖中投我曲江詩丹霞綠雪珊瑚枝火雲
烘日日光薄移情山水真神奇酒深談笑數時
豪直杼白眼青天高文章有神交有道此語千

文須左馬勲夔龍餘子何足畱胃臆

文嘻堂詩集卷上

卷之二